



Reglur um refaveiðar í Langanesbyggð

Reglur þessar gilda um veiðar á refum innan sveitarfélagsins Langanesbyggðar. Um veiðar þessar gilda ákvæði laga [nr. 64/1994](#), um vernd, friðun og veiðar á villtum fuglum og villtum spendýrum, auk reglugerða sem settar eru samkvæmt þeim, einkum reglugerð [nr. 437/1995](#), um refa- og minkaveiðar með breytingarreglugerð [207/1997](#) og [nr. 879/2014](#). Varðandi umgengni um veiðisvæði gilda lög um náttúruvernd [nr. 60/2013](#) og reglugerð [nr. 528/2005](#) og aðrar viðlíka.

Langanesbyggð greiðir einungis fyrir refaveiðar samkvæmt skriflegum samningi við veiðimenn.

1. Grenjavinnsla

Skipting veiðisvæða í Langanesbyggð er eftirfarandi

- Svæði 1. Frá Fonti að Brimnesá
- Svæði 2. Utan Brekknaheiði og út fyrir Naddarmúla
- Svæði 3. Innan jarðanna Fells og Gunnólfsvíkur 1 og 2, Fellsheiði
- Svæði 4. Brekknaheiði
- Svæði 5. Tungusellsheiði
- Svæði 6. Tungusellsheiði frá Finnafjarðará í norðri og að sveitarfélagamörkum að undanskilinni Viðvík
- Svæði 7. Viðvík

Langanesbyggð heldur skrá (nafn grenis og GPS skráningu) yfir þekkt greni og önnur gögn er lúta að grenjaleit. Skrá yfir greni á hverju svæði skal unnin af sveitarfélaginu í samvinnu við veiðimenn og upp úr gögnum sem þeim er skylt að skila til sveitarfélagsins skv. reglum þessum. Ráðnir veiðimenn skulu uppfæra grenjaskrár ef ný greni finnast.

1.1 Veiðar

Ráðinn veiðimaður sér sjálfur um búnað til veiðanna. Búnaður skal ekki brjóta í bága við gildandi lög og reglugerðir. Sé komið fyrir gildrum skal það gert þannig að öðrum dýrum stafi sem minnst hætta af.

Ekki er ætlast til að sérstaklega sé leitað að nýjum grenjum nema einhverjar sérstakar vísbendingar séu þar um.

1.2 Veiðimenn

Sveitarfélagið Langanesbyggð ræður veiðimenn til refaveiða í sveitarfélaginu og gerir við þá skriflega samninga. Samningar eru einungis gerðir við þá sem hafa gilt veiðikort.



1.3 Veiðitímabil

Grenjaveiðitímabil er frá 1. maí til og með 31. júlí ár hvert.

Veiðitímabil á hlaupadýrum er frá 1. ágúst til og með 30. apríl ár hvert.

Sveitarfélagið auglýsir fyrir lok mars ár hvert þau svæði sem kunna að vera laus.

Samningar um grenjavinnslu eru gerðir fyrir lok apríl ár hvert, utan þess tíma eru ekki gerðir nýir samningar.

1.4 Greiðslur

Einungis samningsbundnum veiðimönnum er greitt fyrir veiðar á ref.

Sveitarfélagið greiðir samningsbundnum veiðimönnum fyrir veiðar og leit svo sem hér segir:

- Á grenjatíma: Refir kr. 19.000 á dýr (fullorðin og yrðlinga).
- Greitt fyrir leit á þekktu greni með GPS staðsetningu kr. 5.500.
- Greitt er kr. 7.600 fyrir upplýsingar um GPS hnit á nýju greni.

Verð eru án vsk.

1.5 Skil og skiladagar

Skila skal skottum af unnum dýrum ásamt fylgigögnum. Til þessa ber að nota sérstakar bækur frá Umhverfisstofnun eða sambærilegum eyðublöðum. Þar skal koma fram veiðidagur, veiðitími, veiðiaðferð, kyn og litur dýrs. Ávallt skal skrá hvar dýr var veitt til að hægt sé að átta sig á fjölda refa á svæðinu.

Skila skal öllum skottum úr hverju greni fyrir sig í sér plastpoka ásamt merkingum um hvar grenið var staðsett.

Veiðimanni ber að skila til sveitarfélagsins sundurliðuðum reikningi vegna veiðanna. Veiðimönnum er skylt að skila GPS punktum af þeim grenjum sem þeir leita á og skýrslu um grenjaleit þar sem fram komi hvaða daga þeir leiti á hvaða greni hvort einhver dýr eru unnin og skrá tíma og kílómetra.

Fullnaðarskil á upplýsingum vegna grenjaleitar skal skil til sveitarfélagsins fyrir 31. ágúst ár hvert.

Séu skil á skýrslum og eða önnur atriði ekki í lagi verður ekki greitt fyrir grenjavinnslu.

1.6 Annað

Vakin er athygli á því að á grenjaveiðitímabili sem er frá 1. maí til 31. júlí ár hvert er samkvæmt [reglugerð no. 437/1995](#) ásamt síðari breytingum, eingöngu ráðnum veiðimönnum heimilt að stunda refaveiðar og þá eingöngu á því svæði sem þeir eru ráðnir á.

Þó geta bændur og æðarræktendur eða aðilar á þeirra vegum skotið refi sem búfénaði eða æðarvarpi stafar bein hættu af. Skal viðkomandi tilkynna þjónustumiðstöð



sveitarfélagsins um slíka veiði svo fljótt sem auðið er, fyrir þau dýr skal greitt samkvæmt verðskrá fyrir vetrarveiði.

Veiðimenn verða að uppfylla sömu kröfur og gerðar eru til ráðinna veiðimanna s.s. með skýrsluskil.

2. Vetrarveiði/Hlaupadýr

2.1. Fyrirkomulag veiði og tímabil

Veiðimenn skulu ávallt hafa leyfi landeiganda til vetrarveiða til að fá greitt fyrir hlaupadýr / vetrarveidd dýr. Veiðimenn skila skýrslu um hvar og hvenær dýr eru veidd auk kyns og litar dýrsins.

Veiðitímabil á hlaupadýrum er frá 1. ágúst til 30. apríl.

Veiðimenn skila skottum og skýrslum fyrir lok þess mánaðar sem dýr eru veidd.

2.2. Útburður á æti

Vanda skal til verka við útburð á æti. Hafa skal hæfilega vegalengd milli staða sem borið er út á. Staðsetning og frágangur ætis má ekki valda öðrum sem um landið fara ama eða leiðindum, jafnframt skal staðsetning útburðar vera í samráði við fulltrúa Langanesbyggðar, auk þess sem skriflegt samþykki landeiganda þarf að liggja fyrir. Fjarlægja skal æti og allar leifar þess um leið og hætt er að stunda veiðina.

Veiðimaður skal hafa samráð við aðra veiðimenn þegar borið er út æti.

2.3. Greiðslur vegna hlaupadýra

- Refir kr. 5.000,- á dýr (án vsk.)

Vetrarveiði eða veiði á hlaupadýrum afmarkast einungis við landsvæði innan Langanesbyggðar.

Séu skil á skýrslum og eða önnur atriði ekki í lagi verður ekki greitt fyrir veiði á hlaupadýrum.

Samþykkt á fundi sveitarstjórnar 22. apríl 2020.